

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 157. sjednici, održanoj dana 27.03.2014. godine, d o n o s i

## ZAKLJUČAK

### I.

Prihvata se Informacija Ministarstva za prostorno uređenje, promet i komunikacije i zaštitu okoline o potrebi usklađivanja Zakona o kantonalnim administrativnim taksama-Prečišćeni tekst („Službene novine Zeničko-dobojskog kantona“, broj 13/02, 12/03, 4/04, 5/04, 4/08, 7/09, 2/10, 6/10, 9/10 i 12/13) sa federalnim propisima.

### II.

Informacija iz tačke I. ovog zaključka je sastavni dio ovog zaključka.

### III.

Zadužuju se Ministarstvo finansija i Ministarstvo za prostorno uređenje, promet i komunikacije i zaštitu okoline, da u skladu sa zakonom i podzakonskim aktima realizuju ovaj zaključak, svako u okviru svoje nadležnosti.

### IV.

Zaključak stupa na snagu danom donošenja.

Broj: 02-\_\_\_\_\_/14.

Datum, 27.03.2014. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ministarstvo za prostorno uređenje,  
promet i komunikacije i zaštitu okoline,

1x Ministarstvo finansija,

1x a/a.

## **INFORMACIJA**

o potrebi usklađivanja Zakona o kantonalnim administrativnim taksama - Prečišćeni tekst („Službene novine Zeničko-dobojskog kantona”, broj 13/02, 12/03, 4/04, 5/04, 4/08, 7/09, 2/10, 6/10, 9/10 i 12/13) sa federalnim propisima

U cilju što efikasnije i jednostavnije primjene Zakona o cestovnom prijevozu Federacije BiH („Službene novine Federacije Bosne i Hercegovine“, broj 28/06 i 2/10) u pojedinim odredbama Zakona kao i pratećim pravilnicima propisano je da provođenje istih vrše zajedno Federalno ministarstvo prometa i komunikacija i kantonalna ministarstva nadležna za poslove cestovnog prometa.

To se takođe odnosi i na postupak usklađivanja i registracije redova vožnje za javni linijski prijevoz putnika u cestovnom prijevozu Federacije BiH, te postupak privremenog obustavljanja održavanja prijevoza na registrovanom redu vožnje s obzirom da je Ministarstvo za prostorno uređenje, promet i komunikacije i zaštitu okoline Zeničko-dobojskog kantona, shodno odredbama Zakona o cestovnom prijevozu Federacije BiH, Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra (Službene novine Federacije BiH, broj 79/13) i Pravilnika o načinu, uvjetima, postupku i kriterijima utvrđivanja i trajanja privremenog obustavljanja održavanja polaska ili reda vožnje usljed više sile ili vanrednog slučaja u cestovnom prometu („Službene novine Federacije BiH“, broj 19/10), nadležno za kantonalne linije.

Visina naknade za troškove provođenja navedenih postupaka propisana je odredbama Zakona o kantonalnim administrativnim taksama - Prečišćeni tekst („Službene novine Zeničko-dobojskog kantona”, broj 13/02, 12/03, 4/04, 5/04, 4/08, 7/09, 2/10, 6/10, 9/10 i 12/13) u tarifnom broju 59a. Donošenjem Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra, a i Pravilnika o načinu uplate javnih prihoda budžeta i vanbudžetskih fondova na teritoriji Federacije BiH („Službene novine Federacije BiH”, broj 35/13, 53/13, 63/13, 93/13 i 103/13) došlo je do promjene vrste prihoda tako da se naknada koju plaćaju prijevoznici u postupku usklađivanja i registracije redova vožnje više ne tretira kao kantonalna administrativna taksa.

Zbog toga Ministarstvo za prostorno uređenje, promet i komunikacije i zaštitu okoline informiše Vladu Zeničko-dobojskog kantona o izmjenama navedenih propisa i potrebi usklađivanja propisa, te predlaže Vladi Zeničko-dobojskog kantona da zaduži Ministarstvo finansija i Ministarstvo za prostorno uređenje, promet i komunikacije i zaštitu okoline da preduzmu aktivnosti na pripremi Prijedloga Zakona o izmjenama Zakona o kantonalnim administrativnim taksama po skraćenom postupku s obzirom da je riječ o manje složenom i obimnom zakonu.

Broj: 12-02-4530/14  
Datum, 06.03.2014. godine  
Zenica

**MINISTAR**

**Edin Terzić**

Dostavljeno:  
1 x Stručna služba Vlade,  
1 x Ured premijera,  
1 x a/a.